

中華民國二十三年九月

新文而備新起

張壽題首



新校天津衛志目錄

序例

卷首

倫序

呂跋

彭牌

張跋

奏疏

薛序

舊例

舊目

原修志姓氏

新校天津衛志

目錄

圖

題詞

卷之一

沿革

建置

形勝

渡蹕

至到

古蹟

卷之二

風俗

利弊

賦役

戶口

官職附公署

卷之三

功陞

崇祀

名宦鄉賢

封蔭科甲貢例附寓賢

耆壽冠帶

人物

土產

災變

寺觀宮廟附庵祠

卷之四

新校天津衛志 目錄

二

易社校印

藝文

上

詩

直沽舟中宋 訥

舟次直沽簡彭彥實同寅丘 潛

八景李東陽

浣俗亭詩汪必東

登拱北樓申用懋

康熙十二年癸丑修學口占薛柱斗

步前韻徐起霖

步前韻高必大

步前韻沈德金

步前韻張可立

步前韻高正儀

步前韻張國禱

步前韻馮允京

會射偶占薛柱斗

步前韻徐起霖

步前韻高必大

步前韻張可立

靜海之野有虎自斃偶成薛柱斗

又因論道前韻前人

步前韻徐起霖

步前韻章國佐

步前韻高必大

歌

新校天津衛志

目錄

三

易社校印

天津歌汪必東

賦

觀海賦

中

記

三义沽創立鹽場舊碑王鶚

接運海糧官王公董魯公舊去思碑

直沽接運官德政舊碑貢師道

河東大直沽天妃宮舊碑危素

創建明倫堂舊記

創建兩廡舊記汪淵

修造衛城舊記李東陽

天津重修湧泉寺舊記程敏政

天津提刑兵備分司新建舊記李 晏

戶部分司題名記朱鴻漸

天津整飭副使毛公德政去思舊碑汪 來

建鎮倉關王廟舊碑張體乾

重修天津衛學宮舊碑記文 球

重修天津衛學宮舊碑記徐光啟

天津衛重修武廟碑記李運長

重修天津衛儒學碑記高爾儼

重修天津衛儒學立碑跋馮允京

奉旨依議不許派捉民夫碑記

重修武廟碑記楊廷錦

重修天津衛儒學碑記李 棠

重修建清軍廳署碑記高必大

新校天津衛志 目錄

四

易社校印

重修天津閱武廳碑記田進學

修學記薛柱斗

修道署記薛柱斗

尖山學田記

疏

重修天津文廟疏引李 棠

重修天津衛儒學疏引薛柱斗

書

求志舊書胡文璧

下

傳

張鎧舊傳劉定之

示

霸易道署天津道張研示

新校天津衛志

目錄

五

易社校印

序例

天津衛志凡經三修明正德中天津副使胡文璧創修此志稿垂成而遷去至正德十四年始由副使呂盛補完付梓名爲天津三衛志著錄明史藝文志版存分司亭中旋燬於火萬曆十八年副使彭國光再加修輯戶部分司郎中張常爲之刊行萬曆二十年刻成迨清康熙十一年將修大清一統志分命直省編纂通志副使薛柱斗乃博求儒賢重爲撰述時天津三衛已裁併爲一故僅稱天津衛志即今本也書成於康熙十四年至十七年以後又經補刻略有增刪雍正以來天津升州設府寢成都會衛所故跡率多湮沒賴此碩果之存尙能窺其一二然歷時已久傳本甚希雖出重資難期必獲爰覓求原本校印行世以廣流傳經始於本年五月歷四月而告成排印既竣謹序其緣起如此校印底本假自妣兼山張君壽兩先生並誌謝忱校刊各例條舉於下

一 本書底本共有二種一爲鈔本（妣兼山先生藏）一爲補刻本（張君壽先生藏）此本崇祀門內關於學田之記事及藝文門後所附之尖山學田記均有康熙十七年字樣時在衛志刻成之後故知出於補刻）斟酌異同務期盡善並加校注以資

新校天津衛志 序例

參證

- 二 書中關於人名地名數目等項以及所錄詩文均與明史天津府志（簡稱府志）天津縣志（簡稱縣志）天津縣新志（簡稱新志）長蘆鹽法志（簡稱鹽法志）津門詩鈔懷麓堂集瓊臺會稿諸書對勘遇有文字不同之處即行注出
- 三 原本字句訛誤均爲校改至有明知其誤而無法更正者則姑仍其舊附注說明又志中人名或有祇著其姓而闕其名者則爲考出注明其不能考者闕之
- 四 原本行款參差不便披覽止文注語時相混淆茲推求著書本意劃一格式排比整齊以清眉目又凡有抬頭空格之處均行畧去以省篇幅
- 五 原本藝文門內所列詩文排列次序毫無標準茲重爲排定以著作年代爲先後之序
- 六 原本官職一門分爲前後二段清軍同知以前列於卷二之末自清軍同知以後列於卷三之首茲一併列於卷二
- 七 書前序跋關係修志之沿革甚爲重要茲畧易標題依其年代先後排列並原例原

目修志姓氏圖說題詞等編爲卷首

八 書中凡有更易標題移動次序之處其重要者均附注其原題原次以便考查
民國二十三年九月易社同人謹識

新校天津衛志

序例

二

易社校印

新校天津衛志卷首

倫 序【校注】原題舊志序在謹序後一本在圖後

古史有地理職官之志天下官署郡縣又各因其地與職爲別志史載宏綱而別志於事特詳尤徵遠之不可廢者天津列峙官署莫非甸藩之雄而所轄之地固錯綜於郡縣間在兩義皆宜志而舊未有紀也整飭憲副東陽胡公既蒞事進屬將父老諸生問其邦之故則以無志告公曰是在我迺用修政之暇稽方界覈故實採異聞授諸生具草躬筆削而成之衆大欣幸則以公命徵予序予惟天下之事不易於繼而尤難爲創也天津爲古九河近地古之帝王更都三河雍豫之間斯固寂寞之濱耳至元始立海運萬戶府於今城約八里迨明永樂渡此因錫嘉名披草萊而立城北邇京師南扼千萬里之通津而東爲溟海捍蔽矣宣德中始分監儲之司正統中始建學弘治中始分山東憲司統攝其權夫以一大都會如此而曠百年無文獻之傳今也有遺憾於前必有責望於後非公及今修之後益遠而難爲矣夫形勝與天地俱生而必重於斯故志與地里職官相因以紀洪

新校天津衛志 卷首

倫序

易社校印

猷開後緒者而必備於今日經書蒐求之功可不謂難哉夫功有難創而難繼者亦有難成而難廢者繼自是規是編者其必有所得乎官於是者思地任之樞要而弗敢輕守已定之防範而不敢紊生於是者思以美風俗宣人文以無忝於桑梓而道於是者仰洪猷而益思天下大計且爲畿甸惜民力而無擾焉夫然則重鎮永爲後人賴而是編之助亦良多矣必有愛而傳之嗣而修之者今日之功可庶垂之無窮矣哉如其不然則信乎繼者之難也予故推胡公之意以告後人公名文璧字汝重以名進士歷官所至聲實兼茂在天津凡費宮射圃城池閱場之屬皆新而完之以及此廢典蓋政成而志與俱云翰林院國史編修南海倫以訓著

呂 跋【校注】原題舊跋在張跋後

嘗觀古人凡遇事觸物皆有日記記也者所以紀其事之顛末物之顯晦及時之先後以備他日之考究焉者是豈徒然而已哉故列國皆有史而今之郡縣莫不各有志其亦古昔作史之遺法也由是觀之則志之不可無也明矣矧天津爲兩京要區又非一郡一邑可比正德己卯八月下泮余受命來茲整飭天津時戶曹鄭公士鳳以督儲寓天津監司

一日召飲於浣浴亭遍覽群公壁韻重爲之惜曰天津何無志也鄭公曰聞前此整飭胡公汝重修輯垂成以改選去弗克終事稿付學宮收錄韓公守清繼之久值地方多事誠有待於執事之今日也余曰諾汝重於余爲同年況斯典曠之久矣義不敢辭既退取覽仰窺天津之名起於北都定鼎之後前此未有也北近京師東連海岱天下糧艘商舶魚貫而進殆無虛日首建天津及左右三衛以防禦之次及城池則濱海之險有其蔽矣次及屯田則軍國之需有其備矣次及學校則作養之士有所矣次及閱場則講武之夫有其地矣國計所當重也出納之不得其平侵冒之或滋其弊故又設戶部分司以監之民命所當恤也軍民維處似不能無紛爭之情商賈所聚似不能無盜賊之患故又設按察分司以隸之考覈有據區畫有方於是益慨胡公爲謀之遠而用心之勤也明日以復鄭公鄭公乃曰非鉅梓固不能及遠而垂後君其圖之余喜是編之成且重鄭公之命遂翻謄成帙命工分治雖嫌於速成不暇恤也昔晦翁守南康下車未幾輒詢郡志良以是爾至於山川形勝錢穀之盈虛人材之盛衰風俗之美惡及忠孝節義古今著述之類首序已備述之矣余復何言哉庸書此以紀歲月正德十四年孟冬旣望賜進士第山東按

新校天津衛志

卷首

彭

二

易社校印

察司副使呂盛書

彭

牌

【校注】原題重修衛志舊牌在倫序後

山東提刑按察司副使彭

【校注】彭國光

爲重修衛志事照得天津三衛志書其來已久且並原

籍銷毀嗣後教化之純疵風俗之厚薄賢才之登進武職之承襲軍民之利病營伍之更番建置之興廢事體之沿革戶口錢糧之增損祥瑞災異之互見御製詩勅之褒封忠孝節義之紀傳文藝吟咏之標題寓居隱逸之遷延物產商販之盛衰甚至民謠巷議有關風化者亦未可輕遺不錄至聖取孺子之歌豈無爲哉諸如此類慨自正德十四年以後湮沒遺忘不知其幾何以繼盛美而示將來本道整飭一方職司風紀亦與有責焉合行修纂看得天津衛儒學訓導胡曰懋青年銳志博學練才堪以委任爲此牌仰本官從公遴選有學行生員及老儒歷諳世故者各三名先開姓名呈道定奪仍登請鄉大夫賢士淵識卓見據爲定評羣情輿論並加參酌毋私而公毋虛而實毋泛而約毋俚而文毋輕而游揚毋故爲中傷天道難欺人心難昧諒爾輩必不爲也倘搜羅考證井井有條除原志仍舊外其餘應補者增之應革者註之天津形勢城池卷首各應圖繪者繪之虛心類

草成帙本官逐一詳覈封送本道會同天津監督倉儲戶部員外郎張秉公校閱刪訂去取絕無成心天日監之編集付之良工匠直信今且以傳後期無爲同志羞此外若紙筆之費鐫刻之工酬勞之舉本道另行處置決不敢干預軍民之毫髮也須勉力共襄其事勿負重委即具遵行緣由查繳須至牌者

張

跋校注原題書說在彭牌後

予始至天津索衛志弗得詢其板曰火矣予撫然惜之居嘗與兵憲彭公談及公亦慨然有志是書而遺編無考且以公務旁午而未暇及庚寅予得舊刻於衛山東都指校注揮使倪君倪雲鵬乃知三衛舊無志志始之正德十四年本鎮副使胡公所定前無所因

草創簡約惟藝文獨詳予於衛爲客職愧非守土不敢專任且寡聞淺見焉所稱於記載之事獨念其板燬於分司亭中而以必復舊刻爲已責乃取其不可易者先命工之而以其有關於風教掌職者舉而屬諸彭公重修一牌公之制作概可見也壬辰春舊刻者告完新裁者甫就復命工續刻未卒事而公已報榮轉先行吁志者識也善惡皆當存之以備參考者也而其中亦有不盡然者玩其是而非者可知味其詳而畧者自見間或有所

新校天津衛志

卷首

張殿奏疏

三

易社校印

詆譏而其美者不盡無也存乎觀者自得之耳張橫渠作正蒙謂爲辟鑿示兒予於衛志亦云天津糧儲戶部郎中張常謹頓首書於末簡

奏

疏校注原在志首

（上缺）

校注原缺半頁

諭條奏事康熙十一年七月初一日禮科抄出少師兼太子太師戶部尚

書保和殿大學士加二級臣衛周祚奏前事本月初六日奉旨這應進講書籍知道了餘著該部議奏欽此欽遵於七月十一日到部除各部事宜應聽各該部議覆外該臣等議得保和殿大學士衛周祚疏稱各省通志宜修如天下山川形勢戶口丁徭地畝錢糧風俗人物疆域險要宜彙集成帙名曰通志誠一代之文獻也迄今各直省尙未編修甚屬缺典何以襄我皇上興隆盛治乎除河南陝西二省已經前撫臣賈漢復纂修進呈外請勅下直隸各省督撫聘集夙儒名賢接古續今纂輯成書總發翰林院彙爲大清一統志等因前來查直隸各省通志關係一代文獻除河南陝西二省已經前撫臣賈漢復纂修進呈外其餘直隸各省通志請勅下各省該督撫詳查各山川形勢戶口丁徭地畝錢糧風俗人物疆域險要照河南陝西通志款式纂輯成書到部之日送翰林院爲大清一統

志恭進睿覽可也等因康熙十一年七月二十四日題本月二十七日奉旨依議

薛

序
【校注】原題重修天津衛志序在卷後

今天天有分野而星辰象緯躔度次舍之在所必詳地有畛域而扼塞險要國俗民風之在所必紀故昔盛王之世太史陳詩以考風市師納價而問俗各有分土分民以相志猶歟休哉其二帝三王之隆也及廢封建以後而郡有郡志州有州志遞至縣衛蔑不載記圖繪井疆鱗次以相及也外而疆圉險扼以爲國之捍藩內而風俗人民以爲國之治紀有學校以興民行斯正德必先厚生有防禦以捍牧圉斯文事必嚴武備民爲邦本故戶口之籍在所必稽食乃民天故地畝之規在所必釐公旬有役而丁徭之制所急詳也維正有供而貢賦之則所亟飭也大而山川形勝弘巨麗之觀細而歌詠詩詞發謳吟之響顯而縉紳先生鍾嶸生嶽降之奇隱而碩德名流表幽人逸士之韻以至忠臣孝子之氣雲漢爲昭貞女烈婦之操冰霜比潔靡不備載以俟輶軒採風者之詳考焉天津爲衛去神京二百餘里當南北往來之衝京師歲食東南數百萬之漕悉道經於此舟楫之所式臨商賈之所萃集五方之民之所雜處皇華使者之所銜命以出賢士大夫之所報命而

新校天津衛志

卷首

薛序

四

易社校印

還者亦必由於是名雖爲衛實則即一大都會所莫能過也故明初無志正德中始創於胡公繼修於彭公自茲以來幾經九十載未聞有嗣修者誠哉翰林倫公所謂創難而繼亦不易也庚戌冬予奉簡命來蒞茲土即擬修志書以昭一代之盛願以政事繁劇未遑旁稽然此志殷殷未嘗一日去諸懷也癸丑歲方修葺黌宮以及官府務期一切利弊有關國計民生者爲之次第舉行適奉天子明詔繕治志書於是急下所司博求儒賢旁採舊聞裨官野乘皆在所稽故老遺黎亦在所擇然後弘綱巨紀炳炳爲章纖悉細微離離並著直令有善必揚無微不錄矢公矢正無黨無私閱數月採輯成書藏諸政府凡使後之採風者取而覽觀而知戶口之乘除貢賦之編額官府之沿革制度之廢興山川形勝之壯我疆圉國俗民風之率我政教無不燦若列眉洞如觀火庶幾瞭然於目而了然於心於以助流教化一道同風未必不由於是則是書之成或亦有裨化理竊自附文獻之一考敬藉手拜稽以對揚天子之休命云時康熙十三年歲次甲寅冬十二月吉旦整飭天津等處兼理馬政驛傳糧餉屯田河道鹽法事務山東按察司副使加六級關中薛柱斗撰

舊例 【校注】原題凡例

一奉旨纂修爲皇清一統書編內記載皆以今時爲主其從前沿習並浮浪之事概從芟削以成信史用供宸覽

一建置沿革舊無今有昔舊今新者備載其詳以勸將來

一山川形勝難移衛係草創之地分野與河間府同當從府志記之不敢妄增附會

一官職丁地賦役悉循經制凡經廢革者止載大綱以記事實之所由始

一學校教場乃文事武備之地故各目下備書建設之詳使人知所重焉

一科貢出仕者書其官未仕者列其名仕宦功陞宜加備述人才學行不爲遺隱方可激

勵後世

一忠孝節義乃風俗之所關化理之所出書之示勸必多採孤寒不狗豪右曾經旌表及公舉者始增入之舊志載者亦不敢刪

一寺觀祠廟淫祀妄造者不敢濫及津梁渡口厲民病涉者亦不敢略

一詩文碑記舊志太繁惟擇其簡要者錄之以備參考非徒爲吟咏叙作而已

新校天津衛志 舊例

五

易社校印

舊目 【校注】原題天津衛志總目

卷之一

沿革

建置

形勝

渡驛

至到

古蹟

卷之二

風俗

利弊

賦役

戶口詳籍貫

籍貫

官職前

卷之三

官職後

功陞

崇祀

名宦鄉賢

封蔭

科甲

貢例附寓賢

耆壽冠帶

人物

土產

新校天津衛志

卷首

舊目

六

易社校印

災變

宮廟

卷之四

藝文上詩歌賦

藝文中記疏書

藝文下傳示

原修志姓氏

纂修

整飭天津等處兼理馬政驛副使糧餉屯田河道鹽法事務山東按察司副使加六級

協修

薛柱斗

直隸河間府天津海防清軍兵糧同知

高必大

監修

直隸天津衛掌印兼理屯務管守備事

楚國柱

參修

天津

衛

儒

學

署

教

授

張國禱

天津

衛

學

採

輯

生

員

馮允京

張彩

孫彧

馮士俊

陳日俞

黃世寵

校

正

生

員

督

刊

新校天津衛志

卷首

原修志姓氏

七

易社校印

圖「校注」原題圖說一本在薛序後倫序前


天津一城三面臨河大海在其東南三角旋繞其西北爲水陸通衢畿南要地設立僅三百年其中大小衙門及寺觀宮廟庵祠牌坊之麗洵稱壯觀巍然一大都會也因繪爲圖以資披覽天津衛儒學署教授舉人高陽韓特執職

新校天津衛志

卷首 圖

八

易社校印





武清縣

青縣

靜海縣

興濟縣

滄州

河間府

保定縣

三角淀

新校天津衛志

卷首

九

易社校印

天津衛城圖

東

砲臺

玉皇閣

太極觀

天妃宮

觀音閣

光祿司

砲臺

小聖廟

五聖廟

鹽院

砲臺

關帝廟

三義廟

文廟

整飭司

戶部

三倉

樂王廟

白衣巷

水門

砲臺